

玉淵生小傳

玉淵生陳姓名三恪年十八代其父教授生徒摳衣
函丈稱為大師早夜力學火燃巾角燎及髮鬚烟焰
蓬蓬然猶吾伊弗輟也精研訓故博綜小學堪輿卜
筮壬遁風角家言嘗遊京師過益津有異風從北來
生筮之曰國其有大火乎又當有大喪未幾乾清坤
甯兩宮災仁聖皇太后賓天天啟中私告所知曰歲
丁卯聖人龍飛國家鼎革水火薄射其猶剝復之交
乎已已虜薄都城余屬生筮曰虜當自退本兵邊撫

淑照堂叢書

將不免後皆如其言江陰議建塔居山為賦以道其
形勝即席染翰文不加點繆當時尹孔昭皆歎服焉
邑志之不脩者百年矣刊編鬻翰街談里語抑摭收
弄旁行側注久之成書名曰海虞別乘多所援据是
正雖通人無以易也卒年七十有七贊曰生嘗為余
言唐人歌詩皆可被管絃先輩知音律猶有歌唐詩
以行酒者因歌樂天清江一曲之什鼻齶牙豁聲從
齒縫中出嗚嗚然如發蚓竅坐客皆目笑殊自得也
每別必執手誦諉曰公必傳我余故為之傳邑里之

志耆舊者或者取焉蒙叟錢謙益

淑照堂叢書

海虞別乘總目

大誥	建置	形勝	山川	疆域	城堡
倉庫	田賦	水利	兵防	風俗	灾祥
古跡	學校	祠廟	寺觀	第宅	陵墓
官師	先賢	邑人	游寓	釋道	節烈
集詩	集文	佚事	雜志		

海虞別乘

總目

淑照堂叢書

海虞別乘第一冊目

大誥

建置

形勝

山川

疆域

城堡

倉庫

田賦

水利

兵防

風俗

災祥

古跡

學校

祠廟

寺觀

海虞別乘

第宅

陵墓

官師

海虞別乘

邑人陳三恪象賢輯



後學魚元傳虞岳校鈔

御製大誥三篇

臣民倚法為姦第一

於戲世有姦頑終化不省有若是且如朕臣民有等
姦頑者朕日思月慮筭計萬千務要全其身命使
楊祖宗顯父母榮妻子貴本身共安天下之民朕
所設一應事務未嘗不穩一一盡皆的當其不才

海虞別乘

大誥

一 淑照堂叢書

臣民百般毀壞不依正所行故意亂政壞法自取
滅亡往往如此數百數千矣故入此姦頑終了殺
身者莫知其數且如朕為布政司府州縣并軍職
衙門恐各官吏才力不及特設良法使行之其法
已定其法已良有等不才姦頑故意妄生枝節擾
亂使上不能清其事官吏人民易為作弊及至事
發使彼自清簿書少減輕其罪當此之時意在求
生其心切切及其理也自亦莫能知是亂之極也
嗚呼其貪心勃然而起迷其真性造惡如此雖欲

自求生路亦也不能况朝廷及他受害者如府州縣官不能朕設長法使安其祿位其常熟縣秋糧四十萬石有零設糧長三十餘名掌之臨催糧時省會三十餘名人糧辦已本以大户為糧長掌管本都鄉村人民秋夏糧稅其官吏見法正且清難為作弊却乃設計亂法其亂法之計將糧長不許管領本都鄉村納糧人戶調離本處或八九十里一百里指與地方使為糧長者人戶不識鄉村不知其本都本保及鄰家錢糧却又指他處七八十

海虞別乘

大誥

一 淑照堂叢書

里百十里人來管辦務要錢糧不清田地不真易為作弊如此擾害細民朕將原設三十餘名革去從本縣并各處有司設法自辦其常熟官吏用六百有零里長催辦其為首者既多姦民乘此其弊紛然常熟縣官莫能誰何加以自取肥己一旦發露官吏殺身姦民又罪若干皆亂政壞法自取也初為上司輕易虐辱所屬朕命不許凡有合行事務公文來往必欲事成其所屬建昌知縣徐頤等倚恃朕命二十次四十次三十次十七次八不答

應致使公事有妨如此亂法事覺皆處以極刑盡是沮壞安身之法自取殺身之禍如民人亂法朕見府州縣官吏苦民極甚特不許有司差人下鄉有司官吏亦不許親自下鄉法已行官吏守者止有一半民甚安矣有等恃倚誥文非理抗拒有司里甲糧長不肯趨事赴功以致家破人亡者多矣嗚呼姦頑之徒難治扶此彼壞扶彼此壞觀此奸頑雖神明亦將何如今將各各所犯條列於後觀者戒之

海虞別乘

大誥

三 淑照堂叢書

如誥擒惡受賞第十

前者大誥一出民有從吾命者惟常熟縣陳壽六為縣吏顧英所害非止害己害民甚衆其陳壽六率弟與甥三人擒其吏執大誥赴京面奏朕甚嘉其能賞鈔二十錠三人衣各二件更勅都察院榜諭市村其陳壽六與免雜泛差役三年敢有羅織生事擾害者族誅若陳壽六因而依勢凌辱鄉里者罪亦不赦設有捏詞誣陷陳壽六者亦挨誅陳壽六倘有過失不許擅勾以狀來聞然後京師差人

宣至朕親問其由其陳壽六豈不偉欤

吏毆官長第十六

各處有司惟務奸貪不問民瘼政聲醜陋愚民所恥所以蘇州常熟吏人沈尚等衢州吏人徐文亮等渺視二縣官長鄧源湯壽經等於廳毆打罪雖吏當官何人也

常熟縣官亂政第四十九

凡任有司職掌務在牧民其牧民之道務在興民之利除民之害洪武十八年常熟縣知縣成莛奇到

海虞別乘

大誥

四

淑照堂叢書

到任未久從奸則聽蘇州府知府張亨分付參逃囚逃吏黃通等各各更名為吏自己所用盡收市鄉無藉之徒為吏掌行文案明知不可略無畏懼恣肆忘為未及週歲動止滿前皆是小人嗚呼志人受任清奸頑而退良善所以民受其福已功亦成今知縣成天奇罔知君臣之道昧於牧民之理朋黨小人亂政壞法自取滅亡嗚呼不膺福而膺禍愚之哉

一沮設糧長以致秋糧不足

一糧長之設本便縣司于計民人自當尠成芟
竒交結無藉糧長沈玠等違朕旨意將地方
犬牙相制巨者徵收細微蒙蔽以致本縣比
常設糧長之數內缺一名以致万石不足其
間所在竒零數户意在使朕艱知今也難逃
刑憲又 怨哉

容留濫設第七十二

容留罷閑擅便濫設祇禁吏員等項律已有條所在
諸司徑徑故違律法委身受刑容留此輩以致剥

海虞別乘

大誥

五 淑照堂叢書

削吾民每每加罪於此等官吏人誰不知今洪武
十九年有司仍然故犯

一蘇州府知府張亨等將屢犯在逃黥刺之吏
分付常熟縣叅充縣吏黃通等五名其吏在逃
數次一得承行文書結黨下鄉虐民得錢多少
拆字戲云其云且如得鈔一萬乃呼一方得鈔
一千乃呼一撇呼嗚剥我良民脂膏不知足而
不知思拆字終日以為戲耳是官是吏其罪可
得而免乎